

先往我即隨當往詣佛所
是時尊者大迦葉即於座中運自所有神通
化用四衆圍繞於剎那間即到鷲峯山中佛
世尊所到已頭面頂禮佛足去佛不遠於一
面坐

時尊者大目乾連以神通力旋至佛所見尊

霸五

者大迦葉先至佛會在一面坐見已白言尊
者大迦葉神力具足先至佛會其何速邪尊
者大迦葉即謂大目乾連言如佛說汝神通
第一何故今時徐緩如是

霸五

佛說大乘菩薩藏正法經卷第五

佛說大乘菩薩藏正法經卷第六

霸六

譚藏觀音奏懿錄鄉葬大師顯消皇惟淨等奉譯

菩薩觀察品第三之一

余時尊者舍利子即從座起偏袒右肩右膝
著地合掌向佛而白佛言世尊我有少疑欲
當請問惟願如來應供正等正覺善為宣說

若佛世尊聽許所請我即當問佛言舍利子
恣汝所問如來應供正等正覺隨有問者即
當為說使其皆得開釋疑心

尔時尊者舍利子即白佛言世尊菩薩摩訶
薩成就幾法即得身業無諸過失語業無諸
過失意業無諸過失身業清淨語業清淨意

業清淨身業無動語業無動意業無動天魔
外道力不能制然後深發一切智心地位諸
善次第得成能為一切衆生作所歸向作光
明炬作大河流作大橋梁作大船筏濟渡一
切到於彼岸為舍為救為歸為趣於一切智
心而無動轉爾時尊者舍利子為欲稱揚如

是義故以偈問佛

以何義故勇智者而能安住大菩提
宣揚功德妙法門成證無上菩提果
諸勇智者何所行利益一切諸群品
又復觀察何法門而能成佛無上道
復以何法降魔衆安處菩提大道場

振動俱胝利土中 圓證菩提勝妙果
以何義故名菩薩 如是之句復云何
此中願說菩提門 一切佛法中最上
於諸世間何所行 而能廣利諸衆生
離諸染著如蓮花 解脫俱胝諸群品
云何應受彼供養 諸天諸龍及智者

乃至一切人非人

今問斯義願宣說

余時世尊告尊者舍利子言舍利子汝今當知菩薩若能成就一法於一處於多處普能攝受無量佛法何者一法所謂發起深固大菩提心此即是爲菩薩成就一法於一處於多處普能攝受無量佛法舍利子白佛言世尊云何名深固云何名菩提心佛告舍利子言深固者即是真實不破壞故堅固無動即無退屈故無退轉即善安住故善安住即無退轉故無退轉即善觀察衆生故善觀察衆生即大悲根本故大悲根本即廣大心故廣大心即善知成熟衆生法式故善知成熟衆

生法式即自在妙樂故自在妙樂即無種類故無種類即無愛著故無愛著即攝受衆生故攝受衆生即善能觀察劣弱衆生故善能觀察劣弱衆生即爲救爲歸不起恚心故不起恚心即善觀視故善觀視即無所得故無所得即善意樂故善意樂即無所有故無所

有即善清淨故善清淨即自潔白故自潔白即內無垢故內無垢即外清淨故舍利子此如是等從真實不破壞至內無垢外清淨斯諸法門乃名深固又舍利子菩提心者謂即彼心無諸過失一切煩惱不能隨逐彼心不樂餘乘彼心堅固不爲一切邪外語言之所壞亂彼心不破一切魔衆而不能動彼心決定長養一切善根本行彼心不動愛樂佛法故彼心善住登菩薩地故彼心無上無對治故彼心如金剛一切佛法善決擇故彼心平等無高下故彼心於一切衆生意樂清淨自性無染故彼心無垢慧光照故彼心廣大容

受一切衆生故彼心無染如虛空故彼心無障礙觀無礙智故彼心於一切處隨應了知大悲無斷故彼心現澄清淨稱讚故彼心成就一切智種子圓滿一切佛法故彼心安住普施一切樂事誓願最勝故彼心圓具淨戒無缺犯故彼心修持忍辱離諸恚故彼心精進不懈怠故彼心禪定近寂靜故彼心無害具慧行故又復彼心是真實根本成就如來戒蘊定蘊慧蘊解脫蘊解脫知見蘊彼心是真實根本圓滿如來十力四無所畏十八不共法故

霸大

三

又舍利子菩提所成之心名菩提心而此薩埵求菩提心深固具足是故得名菩提薩埵此亦說名廣大衆生最上衆生三界最勝衆無諸過失身業清淨語業清淨意業清淨身業無動語業無動意業無動不爲一切天魔外道而能動轉深發一切智心地位諸善次

第當得一切世法不能染汚能爲一切衆生善作調伏作偏調伏作所歸向作光明炬作大河流作大橋梁作大船筏濟渡一切到於彼岸爲舍爲救爲歸爲趣深發一切智心不爲天魔外道之所轉動此菩薩於阿耨多羅三藐三菩提心淨信深固廣多清淨樂見諸聖樂聞深法心無慳惜廣行施捨常樂出離心無障礙於一切衆生無雜亂心無退墮心無流散心有業有報淨信無疑諸所施作悉離疑惑於善惡法不壞果報此如是等善了知已於身命緣不造罪業遠離殺生偷盜邪染妄言綺語兩舌惡口貪瞋邪見如是十不善業皆悉斷除十善之業常所修集淨信諦理於沙門婆羅門中常修正道具戒清淨廣多聽受一切善法聞已勤行深固作意而善調伏偏近寂離諸諍訟無非愛語心意純善無不善意勤行善法離不善法無高無下亦不輕動離諸讚毀安住正念妙等引心斷

三有縛拔除毒箭去諸重擔樂住寂靜度諸
疑悔不受後有常於諸佛世尊菩薩摩訶薩
及沙門婆羅門所親近恭敬隨順奉事無相
違背而常不離諸善知識攝受正法宣正法
門示教利喜謂布施大富持戒生天多聞大
慧修習相應如是宣說此是布施得布施果

觀六

四

此是慳惜得慳惜果此是持戒得持戒果此
是犯戒得犯戒果此是忍辱得忍辱果此是
瞋恚得瞋恚果此是精進得精進果此是懈
怠得懈怠果此是禪定得禪定果此是散亂
得散亂果此是智慧得智慧果此是愚癡得
愚癡果此身善所行得身善所行果此身惡

所行得身惡所行果此語善所行得語善所
行果此語惡所行得語惡所行果此意善所
行得意善所行果此意惡所行得意惡所行
果此是善此是不善此所應作此不應作此
所施作於長夜中利益安樂一切衆生此如
是等於善知識所宣說正法示教利喜知是

大法器者即當宣說甚深法門謂空解脫門
無相解脫門無願解脫門無造無作無生無
起無我無人無衆生無壽者及說甚深緣生
之法所謂有法有故有生即無明緣行行緣
識識緣名色名色緣六處緣觸觸緣受受緣
愛愛緣取取緣有有緣生生緣老死憂悲苦

惱如是即一大苦蘊集以不有故即無所生
無生即滅謂無明滅即行滅行滅即識滅識
滅即名色滅名色滅即六處滅六處滅即觸
滅觸滅即受滅受滅即愛滅愛滅即取滅取
滅即有滅有滅即生滅生滅即老死憂悲苦
惱滅如是即一大苦蘊滅然於是中無有少

觀六

五

法若生若滅而實可得何以故一切法緣生
故無主宰無作者無受者因緣所轉是故此
中無法可轉亦非無轉亦非隨轉無實所生
三界施設從煩惱轉從苦所轉故有施設一
切皆是無實所生若於此中如實觀察即無
有少法而為作者若無作者即無所作於勝

義諦中都無所得如是所說無法可轉亦非無轉菩薩摩訶薩於如是等甚深之法聞已信解不生疑悔入一切法無礙智門是故不著色受想行識不著眼耳鼻舌身意色聲香味觸法不著眼界色界眼識界乃至意界法界意識界如是信解一切法自性皆空舍利

子菩薩若住如是信解即不減失常見諸佛亦不減失常聞正法復不減失常承事衆世世所生不離見佛不離聞法不離承事清淨之衆現前值遇諸佛出世在在所生發大精進勤求善法所發精進不爲無義利事謂舍宅居止無義利事妻子眷屬財寶受用及奴婢等無義利事又餘一切欲樂遊戲取著過失無義利事善能棄捨於佛如來正法之中淨信出家以彼清淨出家心故近善知識而常不懷思惟善法得善意樂所聞善法真寶修行不著文字所成勝慧深心具足樂法無厭勤求多聞如所聞法爲陀廣說無愛著心

不爲慚求名聞利養爲佗說法不背自語爲佗廣說如所聞法起大慈心不越一切衆生大悲之心爲多聞故不惜身命少欲喜足樂寂靜處離諸憤惱開善能資養隨所聞法善觀察義攝受正義不著於文隨所攝受於一切世間天人阿修羅衆中不獨行於自利益事但爲勤求無上大乘利樂一切衆生所謂佛智無等等智一切三界最勝智於他所作而不放逸

霸六

六末

佛說大乘菩薩藏正法經卷第六

霸六

佛說大乘菩薩藏正法經卷第七

霸七

西天譯經三藏朝散大夫試光祿卿傳達大師賜紫開闢護等奉譯

菩薩觀察品第三之餘

復次佛告舍利子言云何名爲不放逸法所謂常當攝護諸根云何名爲攝護諸根謂眼見色已不執其相亦復不執隨形妙如亦不